

Kerajaan Indonesia Menganjurkan Memakan Tikus Kepada Rakyat?

“Daging tikus enak rasanya”

Kepayahan hidup di Indonesia, terutamanya di Pulau Jawa yang berpenduduk lebih daripada 60 juta itu masa sekarang lebih menderita. Ekonomi Indonesia selama di tangan *President* Sukarno semakin hancur. Sukarno hanya mengutamakan kemahuannya dan tidak memikirkan keadaan hidup rakyat. Rakyat merasa bahawa hidup di Jawa dengan gelaran sebeggol sehari di zaman penjajahan Belanda dahulu lebih lumayan daripada hidup merdeka sekarang. Sebabnya tidak lain kerana kekayaan bumi Indonesia tidak disalurkan dengan sewajarnya supaya rakyat menikmati hidup dengan sekadarnya.

Kerana kesusahan-kesusahan dan penderitaan hidup terutamanya di dalam hal mengenai makanan hari-hari maka di luar bandaran di Jawa selalu diberitakan ramai orang memakan tikus sebabnya kerana makanan-makanan tidak ada. Beras di dalam pasaran umum sudah meningkat harganya lebih daripada 200 Rupiah sekilo sedang pencarian rakyat tidak dapat mengadakan dua ratus rupiah selama seminggu.

Catuan jauh sekali dan pemerintah pula menganjurkan makanan sekali sehari. Ini berjalan di dalam kota. Bertapa pula halnya bagi mereka yang tinggal di luar kota, di kampung-kampung dan di desa-desa.

Tanah untuk bertanam tidak ada; walaupun ada, modal tidak ada pula dan kerana itu banyaklah yang menderita kelaparan. Banyak manusia yang mati kelaparan disebabkan tidak ada makanan. Apa yang ada dan terjumpa dimakan mereka sehingga tikus, kucing, anjing dan segala-galanya.

Apabila terhebah penderitaan ini ke luar negeri, rakyat jela banyak mati lapar, maka Amerika datang memberi bantuannya. Tetapi berapa lamakah bantuan itu dapat berjalan? Selama-lamanya? Tidak mungkin!

Kesulitan-kesulitan hidup dan bahaya kelaparan di Pulau Jawa semakin mendatang. Manusia terus-menerus menghadapi bahaya kekurangan makan dan kelaparan. Terus-menerus mereka menangkap tikus dan seumpamanya itu untuk dimakan mereka kerana tidak ada makanan yang lumayan baginya.

Melihat ini maka kerajaan Sukarno, untuk menghilangkan perasaan gelisah rakyat, membuatlah propaganda-propaganda menerusi surat khabar-surat khabar yang dipimpinnya atau surat khabar-surat khabar yang semua dikuasainya berserta radio-radionya tentang lazat dan sedapnya memakan tikus. Tujuannya supaya terhebah bahawa tikus bukanya sebab kekuarangan makanan tetapi adalah ia menjadi kegemaran dan kesukaan rakyat itu sendiri.

Bacalah di bawah ini suatu rencana yang tersiar di dalam majalah “*Merdeka*” yang dinaungi oleh Tuan B.M Diah, Duta Indonesia di London yang pro-Sukarno itu, mereka meriwayatkan tentang sedapnya tikus dan nikmatnya tikus serta binatang-binatang lain seperti anjing, kucing dan kera yang hampir-hampir tidak dimakan oleh manusia. Katanya:

Kalau kita mendengar orang makan daging sapi, itu adalah soal yang terlalu biasa, walaupun menurut kepercayaan agama Hindu (India) sapi adalah binatang suci yang harus dimuliakan, tidak boleh diganggu apalagi dimakan.

Dengan demikian kurang lebih 500 juta manusia tidak makan daging sapi. Dan kalau kita mendengar orang makan daging babi, ini pun adalah soal yang terlalu biasa, walaupun orang-orang yang beragama Islam mengharamkan babi, dengan demikian ada ratusan juga orang pula yang tidak makan daging babi. Dan tidaknya mereka memakan daging-daging yang dilarang itu disebabkan kepatuhan kepada larangan agama. Tetapi bagaimana kalau kita mendengar ada orang makan daging tikus? Baik mereka yang beragama Hindu, Islam, Kristian dan sebagainya tentu sebahagian besar akan menarik pundak (bahu)nya ke atas sambil mengatakan hiiii.... ini wajar sekali, dan sebahagian besar pembaca pun tentunya akan berbuat sama, mengangkat bahu sambil mengatakan hiiii.... ya, saudara boleh bilang hiiii seratus kali, tetapi belakangan ini memang ada orang-orang yang memakan daging tikus.

Kisah nyata tentang orang makan tikus belakangan ini datangnya dari desa Mojopurno yang terletak di daerah Madiun, Jawa Timur.

Tikus Goreng Enak Rasanya

Soal hama tikus di Jawa Timur, dan tentunya juga di daerah-daerah lainnya merupakan persoalan yang amat memusingkan. Betapa tidak, para petani yang di siang hari menaburkan benih-benih, baik jagung, kacang tanah demikian pula padi dan lain-lain, keesokan harinya terpaksa mengeluh kerana malamnya benih-benih itu telah diserbu hama tikus. Sesudah macam-macam cara diusahakan untuk pemberantasnya, di antara dengan racun dan sebagainya, tetapi hama tikus tetap maharajalela, sampai menggelisahkan para petani. Dalam mencari jalan untuk menghancurkan bala tentera perosak, iaitu tikus-tikus itu, di desa Mojopurno telah menempuh jalan yang belum pernah dilaksanakan.

PERTJIKAN AMPERA

* Bagaimana rasanja belalang, kutjing - matjan atau kera....?--

KALAU kita mendengar orang makan daging sapi, itu adalah soal yang terlalu biasa, walaupun menurut kepercayaan agama Hindu (India) sapi adalah binatang suci yang harus dimuliakan, tidak boleh diganggu apalagi dimakan.

Dengan demikian kurang lebih 500 juta manusia tidak makan daging sapi. Dan kalau kita mendengar orang makan daging babi, ini pun adalah soal yang terlalu biasa, walaupun orang-orang yang beragama Islam mengharamkan babi, dengan demikian ada ratusan juga orang pula yang tidak makan daging babi. Dan tidaknya mereka memakan daging-daging yang dilarang itu disebabkan kepatuhan kepada larangan agama. Tetapi bagaimana kalau kita mendengar ada orang makan daging tikus? Baik mereka yang beragama Hindu, Islam, Kristian dan sebagainya tentu sebahagian besar akan menarik pundak (bahu)nya ke atas sambil mengatakan hiiii.... ini wajar sekali, dan sebahagian besar pembaca pun tentunya akan berbuat sama, mengangkat bahu sambil mengatakan hiiii.... ya, saudara boleh bilang hiiii seratus kali, tetapi belakangan ini memang ada orang-orang yang memakan daging tikus.

penggeropjokan itu ik. 100 ekor tikus dengan bekal? Dibersihkan seperti orang mengulir seekor badjing (supai) untuk kemudian digoreng.

Banyak orang, terutama anak2-ku, merasakan bagaimana rasanja daging tikus itu setelah digoreng. Bagaimana pendapat mereka itu? Pada umumnya, se telah merasakan tikus goreng menyatakan bahwa daging tikus tidak kalah enak nya dengan daging binatang lainnya.

Bahkan ada yang mengatakan tikus itu berbuku besar, lebih enak rasanja kerana banyakk mengandung minyak.




SEMBUHAN DITIKOK?

Semang anggota PP Pak Darmo nama nya, menjeritakan bahwa akibab makan goreng tikus itu badannya rasanja panas dan banyak berpetih. Ia menyatakan sa ngaz gembira karena telah memakan beberapa ekor tikus goreng, dan sebab itu dengan tidak disangka2 (tiba2) sama sekali penjakit injektora (roumatik) yang telah dideritanya selama 2 tahun sembuh seketika. Jah, ini tentunya ada loh berjuta yang paling menarik bagi me reka yang punya penjakit injektok.

Berita tentang goreng tikus ini telah tersebar ke seluruh daerah Madiun, dan rasanja juga keseluruh Indonesia. Ma ka pada akhir2 ini banyak orang yang beranjak, apakah memakan daging tikus itu tidak mengganggu kesehatan manusia? Dalam hal ini tentunya hamba para doktorlah yang dapat memberikan jawaban pasti2.

Tetapi yang jelas, menurut sementara orang2 Tionghoa, makan daging tikus itu menggunakan buda. Tetapi jika2 itu mereka makan sebagai obat itu, bukan lah jika2 orang yang besar, metalakan anak2 rikus yang baru saja lahir dan dimakanjapun ditelan saja setelah ba li-abang itu dikelupkan kedalam air panas. Dahulu pada waktu orang masih

Di atas ini ialah guntingan dari majalah Merdeka Indonesia yang mempropagandakan tikus digoreng sedap rasanya. Adakah semata-mata kerana menutup keadaannya kemelaratan rakyat yang kekurangan makanan kerana Sukarno menunjukkan sifat-sifat hendak berkuasa?



Inilah Ja'ranah di Jijaz¹ yang terletak di dalamnya sebuah perigi di zaman Nabi yang besar sejarahnya. Dalam masa berperang dikhabarkan orang kepada Rasulullah bahawa perigi itu dibubuh racun oleh orang-orang Jahiliah. Kerana ketiadaan air maka Rasulullah meludah di dalamnya dan kemudian menyuruh pengikut-pengikut Islam meminum airnya. Airnya telah jadi penawar dan menyembuhkan penyakit. Banyak orang haji ziarah ke tempat ini kerana mandi dan minum airnya.

Dalam cara pembanterasannya hama tikus oleh desa atau daerah mana sahaja. Cara baharu yang ditempuh desa Mojopurno iaitu membuat orang supaya doyan (suka) makan daging tikus, seperti hanya orang makan daging kodok (katak) dan daging-daging yang aneh lain-lainnya,

Beberapa waktu yang lalu, dengan dipimpin oleh kepala desanya Pak Martuwinyono, sejumlah anggota pamong desa dengan dibantu para petani telah melakukan penggeropnyokan² (penggempuran) dan menangkap terhadap tikus-tikus sawah. Dari hasil penggeropnyokan³ itu lebih kurang 109 ekor tikus dengan beramai-ramai dibersihkan seperti orang menguliti seekor bajing (tupai) untuk kemudian digoreng.

Banyak orang, terutamanya anak-anak ikut merasakan bagaimana rasanya daging tikus itu setelah digoreng.

Bagaimana pendapat mereka ini? Pada umumnya, setelah merasakan tikus goreng menyatakan bahawa daging tikus tidak kalah enaknyanya dengan daging binatang lainnya bahkan ada yang mengatakan tikus yang berbulu besar, lebih enak rasanya kerana banyak mengandungi minyak.

Sembuhkan Incik⁴ (nyilu-nyilu tulang)

Seorang anggota Pamong Praja Pak Darno namanya, menceritakan bahawa akibat makan goreng tikus itu badannya rasanya panas dan banyak berpeluh. Ia menyatakan sangat gembiranya kerana telah memakan beberapa ekor tikus goreng dan sebab itu dengan tidak disangka-sangka tiba-tiba sama sekali encoknya (*rheumatic*) yang telah dideritanya selama dua tahun sembuh seketika. Ya, ini tentunya adalah berita yang paling menarik yang punya penyakit encok.

¹ Perkataan sebenar ialah Hijaz.

² Perkataan sebenar ialah penggeropnyokan.

³ Perkataan sebenar ialah penggeropnyokan.

⁴ Perkataan sebenar ialah encok

Berita tentang goreng tikus ini telah tersebar ke seluruh Madiun. Dan tentunya juga ke seluruh Indonesia. Maka pada akhir-akhir ini banyak orang yang bertanya-tanya, apakah memakan daging tikus itu tidak mengganggu kesihatan manusia? Dalam hal ini tentunya hanya para doktorlah yang dapat memberikan jawapan positif.

Tetapi yang jelas, menurut sementara orang-orang Tionghua, makan daging tikus itu menguatkan badan. Tetapi tikus yang mereka makan sebagai ubat itu, bukanlah tikus-tikus sawah yang besar, melainkan anak-anak tikus yang baharu sahaja lahir dan dimakannya pun ditelan sahaja setelah bayi abang (merah) itu dicelupkan ke dalam air panas. Dahulu pada waktu orang masih sangsi akan daging bekicot yang dimakan rakyat pada zaman Jepun, diadakan penyelidikan yang ternyata beberapa jenis boleh dimakan. Bahkan di Eropah daging bekicot merupakan makanan yang *lux*.

Bagaimana Rasanya Belalang, Kucing, Macan (Harimau) atau Kera

Kalau dilihat dari susunan tubuhnya kemungkinan besar daging tikus itu rasanya tidak akan jauh dengan daging marmot atau kelinci (tikus belanda). Pernahkah saudara makan daging marmot atau kelinci?

Daging kelinci dan marmot rasanya sungguh lazat sekali, hampir tak kalah dengan daging ayam. Wartawan saudara pernah makan daging marmot dan kelinci pada waktu perang kolonial melawan Belanda masih berkecamuk. Nah kalau demikian, jika saudara pernah makan daging kelinci, maka saudara dapat membayangkan rasanya daging tikus.

Di dunia ini memang banyak sekali binatang yang aneh kalau dimakan kerana tak biasa, tetapi kalau dicuba enak juga rasanya. Pernahkah saudara makan goreng belalang? Saya pernah tertipu makan belalang. Dengan tidak ragu-ragu saya makan goreng belalang, kerana yang menyuguhkan (menghidangkan) mengatakan bahawa ini adalah goreng udang. Maka kerana tak ragu-ragu tiada dipengaruhi oleh *suggestee*, dengan enak sahaja saya makan goreng belalang.



Dr. Mohammad Hatta sekarang disingkirkan Sukarno.

Kalau Dr. Hatta memerintah mungkin rakyat Indonesia

tidak merasa sedapnya tikus goreng.

Dan rasanya memang enak, tak jauh dari goreng udang. Di daerah Cijulang dan sekitarnya, iaitu di selatan Pariangan Timur, belalang diperdagangkan sebagai lauk-pauk untuk makan nasi.

Bukannya hanya belalang sahaja dimakan orang, tetapi juga laron (serangga) gasir, cengkerik, daging anjing, daging kucing, daging kera, daging macan (harimau) ada orang yang memakannya. Memang soal makanan itu, kalau belum biasa membuat orang mengangkat bahu sambil mengatakan hiiii..., tetapi kalau sudah terpijat rasanya, menjadilah ia orang yang selalu ketagihan makan makanan yang aneh-aneh itu.

Sekian majalah Merdeka. Apakah orang-orang di Malaya, terutamanya pemuda-pemuda suka membuat eksport tikus untuk makanan ke tanah Jawa?

Di Meja Kita

Telah sampai di meja kami dua naskah buku-buku. Kepada pengirimnya diucapkan terima kasih,

1. “*Akhlak Islam*” tebalnya 120 muka berharga \$1.60 senaskah, karangan *al-Ustādh* Budiman Radhi yang diterbitkan dan dicetak oleh “Pustaka Dian” Kota Bharu, Kelantan.

Menilik akan kandungan buku tersebut menyakinkan kita bahawa pengarangnya berusaha membangkit dan mengembangkan semangat pemuda-pemuda terutama yang masih di bangku sekolah baik di tingkatan rendah, tinggi maupun menengah termasuk juga guru-guru yang menjadi contoh dan teladan kepada murid-muridnya agar memperhalus dan menghiasi budi pekerti mereka dengan sifat-sifat yang terpuji seperti: sabar, berani, ikhlas, bercakap benar, mempunyai sifat kesederhanaan, pemurah, tawakal, amanah, tahu kewajipan, berkemahuan, cintakan tanah air, tahu mengatur hidupnya dan masanya. Sebaliknya pula pengarangnya mengingatkan supaya menjauhi sifat-sifat yang dikeji seperti: penakut, munafik, putus asa, dengki, menipu, dusta dan lain-lain semuanya merupakan pelajaran-pelajaran yang berjumlah kira-kira 20 pelajaran dan diberinya pula soalan-soalan.

Baik benar buku itu dipunyai untuk dibaca oleh setiap muda-mudi tanah air.

2. “*Tafsir al-Qur’ān al-Karīm* (sūrah Ālī ‘Imrān) penggal 5” tebalnya 200 muka berharga \$2.50 senaskah susunan *al-Ustādh* Ahmad Sonhadji Mohamad, dicetak oleh Qalam dan diterbitkan oleh AlMaktab Attijari al-Sharqi Singapura, buku penggal 5 ini seperti lain-lain buku yang terdahulu diterbitkan iaitu dari penggal 1 hingga 4 mempunyai teknik-teknik yang menarik dan penggal 5 inilah yang terbaharu, kandungannya dimulakan dengan ayat 104 sūrah Ālī ‘Imrān hingga akhir surah (ayat 200):

Tiap-tiap ayatnya diberi makna, sebab-sebab turunnya, hukum-hukumnya diterangkan dan disulam pula dengan hadith-hadith Nabi (S.A.W), cerita-cerita sejarah dan ulasan-ulasan yang mudah difaham perlu pula kami nyatakan bahawa kandungan buku tafsir yang tersebut telah pun disiarkan terlebih dahulu dalam “*Ruangan Tafsir al-Qur’ān*” di Radio Singapura.

Kami dapat tahu peminat-peminat “*Tafsir al-Qur’ān*” menerusi Radio Singapura telah berpeluang kembali mendengar dan mengikuti siarannya mulai pada malam Jumaat jam 8.45 (31.1.1963) yang lalu – iaitu setelah terhenti kerana direhatkan semenjak pertengahan bulan Ogos 1962 yang lalu.

Tafsir al-Qur’ān al-Karīm

Buku tafsir al-Qur’ān (sūrah Ālī ‘Imrān) penggal 5 susunan *al-Ustādh* Ahmad Sonhadji Mohamad telah siap diterbitkan. Tebalnya 200 muka, tekniknya menarik dan kulitnya berwarna¹ yang memikat hati.

Pesanlah segera kepada penerbitnya supaya tidak ketinggalan.

Sūrat al-Baqarah penggal 1	Senaskah	\$2.50
“ “ “ 2 “	“	\$2.50
“ “ “ 3 “	“	\$3.00
“ Ālī ‘Imrān4 “	“	\$2.50
“ “ “ 5 “	“	\$2.50

Alamat penerbit:

ALMAKTAB ATTIJARI ASSHARGI

40 KANDAHAR STREET,

SINGAPORE, 7.

¹ Perkataan sebenar ialah berwarna.